


# LEKSYON 4

## UNSAON PAGKAPLAG SA IMONG BUOT PANGITAON DIHA SA BIBLIA



### Ika 40 nga Buluhaton ug Pangutana

Gibahinbahin ang mga libro sa Biblia pinaagi sa mga kapitulo ug mga bersikulo aron masayon ra alang kanato ang pag-pangita sa atong buot basahon. Tan-awa ang unang basahon sa Biblia nga mao ang Genesis. Pila ka mga kapitulo ang anaa sa basahon nga Genesis?

### Tubag 40

---

---

---

---

---

---

---



*Unsaon Pagkaplag sa Imong Buot Pangitaon diha sa Biblia*

**Mga Reperensya  
sa Biblia**

Sa kadaghanan sa mga hubad ang mga kapitulo gibahinbahin ngadto sa gagmay nga mga numero. Gitawag nato kini nga bersikulo o teksto.

**Ika 41 nga Buluhaton  
ug Pangutana**

Tan-awa ang unang kapitulo sa Genesis nga anaa sa Imong Biblia. Gibahinbahin ba kini sa mga bersikulo? Pila ka mga bersikulo ang anaa sa unang kapitulo sa Genesis?

**Tubag 41**

---



---



---



---



---

**Mga reperensya  
sa Biblia**

Masayon ang pagpangita sa usa ka bersikulo kon masayran mo ang reperensya niini. Ang reperensya mao ang pagngalan sa *una* ang ngalan sa basahon, *ikaduha* ang numero sa kapitulo ug dayon ang numero sa bersikulo.

**Ika-42 nga Buluhaton  
ug pangutana**

Pangitaa diha sa imong Biblia ang Genesis, kapitulo 2, bersikulo 17. Kini nagasugod sa mga pulong:

- a) Apan sa kahoy nga ...
- b) Ug giumol ni Jehova nga Dios ...
- k) Ug gibuhat sa Dios ang hawan ...
- d) Ug ang yuta ...

**Tubag 42**

---



---



---



---



---

**Reperensya sa Biblia**

Ang reperensya nga imong nabasa nasulat sa Genesis 2:17. Atong sulatan ug "colon" (:) sa taliwala sa numero sa kapi-tulo ug sa numero sa bersikulo.

**Ika-43 nga Buluhaton  
ug Pangutana**

Karon tan-awa kini nga reperensya diha sa unang basahon sa Bag-ong Pa-kigsaad: Mateo 1:21. Basaha kining bersiku-loha. Nagasulti kini mahi-tungod

- a) kang Jesus ug ang iyang mga tinun-an.
- b) sa kagikan ni Jesu-Cristo.
- k) sa pagpakatawo ni Jesus.

**Tubag 43**


---

---

---

---

---

---

---

---

---

---

**Mga Reperensya**

Ang numero nga na-ga-una sa ngalan sa libro ginalitok usab. 1 Timoteo 2:8 ginabasa nga unang Timoteo dos, otso.

**Ika-44 nga Pangutana  
ug Buluhaton**

Karon pangitaa ang unang kapitulo sa Daang Pakigsaad. Basaha kini hangtod moabut ka sa bersikulo nga nagaingon:

Ug miingon ang Dios:  
Mahimo ang kahayag ug diha ang kahayag.

Isulat ang reperensya alang niining tekstoha.

**Tubag 44**


---

---

---

---

---

---

---

---

---

---



*Unsaon Pagkaplag sa Imong Buot Pangitaon diha sa Biblia*

**Mga Reperensya**

Kon magapasabot kita sa tibuok kapitulo o mga kapitulo, dili na nato gamiton ang 'colon'(:). Ang Genesis 1,2 nagapasabot sa unang duha ka kapitulo sa Genesis.

**Ika-45 nga Buluhaton  
ug Pangutana**

Pangitaa ang katapusang kapitulo sa katapusang basahon diha sa Biblia.  
Isulat ang reperensya

**Tubag 45**

---



---



---



---



---



---

**Mga Reperensya**

Atong butangan ug "comma",) sa taliwala sa mga bersikulo sa mao rang kapitulo, kon wala kini magakasunod o dili labaw sa duha ka bersikulo ang nagkasunod. Pananglitan: Genesis 1:1, 2, 4.

**Ika-46 nga Pangutana**

Isulat ang reperensya alang sa mga bersikulo uno ug singko sa Mateo, sa ikaduhang kapitulo.

**Tubag 46**

---



---



---



---



---



---

**Mga Reperensya**

Ang 'comma' (,) sa taliwala sa katapusang duha ka numero pagabasahon nga "ug". Ang atong pagbasa sa Mateo 2: 1, 5, 6 ingon niini: "Mateo dos, uno, singko ug sayis."

**Ika 47 nga Panguhana**

Unsaon man nimo pagbasa ang Juan 3:1, 2, 10?

- Juan tres, uno, dos, dyes
- Juan, kapitulo tres, mga bersikulo uno ug dos ug dyes.
- Juan tres, uno, dos ug dyes.
- Juan tres, uno ug dos ug dyes.

**Tubag 47**


---



---



---



---



---



---



---



---

**Mga Reperensya**

Butangan nato ug 'dash' (—) sa taliwala sa labaw sa duha ka mga bersikulo nga nagkasunod ug pagabasahon kini nga "ngadto sa." Ang Juan 1:1-3 pagabasahon nga "Juan uno, uno ngadto sa tres."

**Ika-48 nga Buluhaton ug Panguhana**

Ang Mateo 1:1-4 mao ang reperensya alang sa unang upat ka mga bersikulo sa Bag-ong Pakigsaad. Tan-awa kining mosunod nga mga reperensya diha sa imong Biblia ug isulat sa blangko ang gidaghanon sa mga bersikulo nga anaa niini:

Ang Genesis 8:18-22 adunay.....ka mga bersikulo.

**Tubag 48**


---



---



---



---



---



---



---



---



*Unsaon Pagkaplag sa Imong Buot Pangitaon diha sa Biblia*

**Mga Reperensya**

Ang mga teksto sa labaw sa usa ka kapitulo ginalain pinaagi sa "semicolon" (;). Ang Mateo 1:21; 2:1-6 nagapasabot sa usa ka bersikulo sa unang kapitulo ug sa unom ka bersikulo sa ikaduhang kapitulo.

**Ika-49 nga Pangutana**

Pangitaa ug basaha ang Mateo 1:21; 2:1; 3:13,16. Kining upat ka mga bersikulo mahitungod kang

- a) Jesus, ang mga Pariseo, Juan nga Magbabautismo, ug ang mga tinun-an.
- b) Jesus, ang mga mago, Juan nga Magbabautismo, ug ang Santo Espiritu.
- c) Jesus, Jose, ug ang mga magbalantay sa karnero

**Tubag 49**

---



---



---



---



---



---



---



---

**Mga Reperensya**

Ang ubang mga Biblia dunay mga reperensya sa tungatunga o sa ubos sa pahina aron pagtabang kanimo sa pagpangita sa ubang bersikulo mahitungod sa mao rang dugokan.

**Ika 50 nga Pangutana**

Ang usa ka gamayng letra duol sa pipila ka mga pulong diha sa bersikulo sa Biblia nagasulti kanimo sa pagpangita sa mao rang letra diha sa ubos o sa tunga-tunga sa pahina. Ug diha makitamo ang reperensya sa

- a) Ubang bersikulo sa Biblia nga mahitungod sa mao rang dugokan.
- b) Mga libro diin mabasa mo ang samang dugokan.

**Tubag 50**

---



---



---



---



---



---



---





### Mga Reperensya

Ang mga Biblia nga Cebuano dunay mga reperensya sa ubos o sa tunga-tunga sa mga pahina, apan ang uban wala niini.

### Ika-51 nga Buluhaton

Ablihi ang imong Biblia ug tan-awa kon duna bay mga reperensya sa ubos o sa tunga-tunga sa pahina. Kini makatabang kaayo nimo sa imong pagtuon sa Pulong sa Dios. Sulati ang imong "Rekord sa Estudyante" alang nining leksyona.



### MGA HUSTONG TUBAG ALANG SA LEKSYON 4

**Ika-40 nga Tubag**

50

**Ika-41 nga Tubag**

31

**Ika-42 nga Tubag**

a) Apan sa kahoy nga...

**Ika-43 nga Tubag**

k) Sa pagpakatawo ni Jesus.

**Ika-44 nga Tubag**

Genesis 1:3

38

**Ika-45 nga Tubag**

Pinadayag 22

**Ika-46 nga Tubag**

Mateo 2:1,2.

**Ika-47 nga Tubag**

k) Juan, tres, uno, dos ug dyes

**Ika-48 nga Tubag**

Ang Genesis 8:18-22 adunay lima

Ang Genesis 8: 18,22 adunay duha

**Ika-49 nga Tubag**

b) Jesus, ang mga mago, Juan nga Magbabautismo, ug ang Santo Espiritu.

**Ika-50 nga Tubag**

a) Ubang bersikulo sa Biblia nga mahitungod sa mao rang dugukan

## HINUNGDANONG PASAYOD

Natapus na nimo ang unang bahin, tapusa usab ang imong Rekord sa Estudyante nga gisalup-it sa matag leksyon. Ipadala dayon kini ngadto sa

International Correspondence Institute,  
P. O. Box 1084, Manila

Paglakip usab ug usa ka kinasingkasing nga donasyon alang sa buluhaton sa ICI. Ang ICI nagatanyag ug nagahatag ug mga kurso sa Biblia ngadto sa nagtubong lino nga mga tinun-an sa Pilipinas. Pinaagi sa makanunayon nga paghatag ug mga donasyon sa mga higala nga sama kanimo, nahimo ang buluhaton sa ICI nga nagmalampuson. Ang imong gasa nakapadayon sa ICI nga pana- langin ngadto sa uban.

Hinumdumi nga pinaagi sa ICI, natun-an nimo nga **SI CRISTO MAO ANG TUBAG**. Karon, ang imong donasyon maka tabang pagdala nianang tubaga ngadto sa uban.

PASIUNA ALANG SA .....

---

### "ANG IMONG BIBLIA" (BAHIN 2)

Kon madawat na namo ang imong papel sa eksamin sa pagrado ug ang imong tabang alang sa buluhaton sa ICI, among ipadala kanimo ang ikaduha gahin sa "Ang Imong Biblia". Ang mga uluhan niining mosunod nga tulo ka leksyon mao kini:

Leksyon 5 — Ang 39 ka mga Basahon sa Daang Pakigsaad

Leksyon 6 — Ang 27 ka mga Basahon sa Bag-ong Pakigsaad

Leksyon 7 — Unsaon nimo pagkahibalo nga kining 66 ka mga Basahon sa Bibliá mao ang Pulong sa Dios.

Kon ikaw nalingaw pagtuon sa Unang Bahin niining kursoha, among naseguro nga labaw ka pa nga malingaw sa Ikaduhang Bahin. Niini makadawat ikaw ug matin-aw nga hulagway ug labaw pang kahibalo mahitungod sa Balaang Kasulatan.

Sa dihang matapus na nimo pagtuon ang Ikaduhang Bahin, mahimo na ikaw nga makadawat ug usa ka sertifiko alang sa imong pagtapus sa kurso. Dili lamang kini usa ka sertifiko alang sa imong



pagtapus sa kurso. Dili lamang kini usa ka sertifico alang sa pagkuadro ug pasundayag diha sa bungbong, kondili makatabang kini paghimo kanimo ingon nga pangulo nga adunay bilihong kahibalo sa Biblia ug pagpadasig diha sa usa ka Bible Club.

Wala kini magpasabut nga ang tanang butang mahitungod sa Biblia makita sa Ikaduhang Bahin, apan ang ikaduhang bahin maoy dugang nga pasiuna sa "Imong Biblia" ug tingali ang adlaw-adlaw mo nga kalangan sa imong pagtuon niini, imong mapakyas ang pag-angkon ang dugang nga kadasig ug kahibalo nga imong gikinahanglan. Nganong dili ka man mosulat alang sa Ikaduhang Bahin sa kurso nga "Ang Imong Biblia" karon?

Diha sa Ikaduhang Bahin, gihiusa sa ICI ang mga kasayuran mahitungod sa Biblia ug uban pang mga kamatuoran nga gikinahanglang mahibaloan sa matag kristohanon. Makatabang usab kini nimo sa dugang pa nga kahibalo mahitungod sa Dios, ug pagpatidlum sa imong kristohanong kasinatian. Makapahimo usab kini sa Biblia nga buhing basahon alang kanimo!

Nahibalo ka ba nga si Daniel Webster makausa miingon, "Kon kita motuman sa mga prinsipyo nga gitudlo sa Biblia, ang atong nasud magapadayon sa pag-uswag; apan, kon ang atong kaliwatan magasalikway sa mga pahimangno ug pagkagamhanan niini, walay tawo nga makasulti kon unsa kadali ang katalagman ang molukop kanato ug motabon sa tanan natong kadaugan diha sa halalum nga kasub-anan."

Nagatuo ang ICI nga ang Biblia nagabaton sa hunahuna sa Dios, sa kondisyon sa tawo, ang dalan sa kaluwasan, ang pagkahinukman sa makasasala, ug sa kalipay sa mga magtutuo. Ang iyang pagtulon-an balaan, ang iyang hunhuna magabugkos, ang iyang kaagi matuod ug ang iyang desisyon dili mausab. Mobasa arg tanan niini aron magmaalamon, tuohan aron sa pagseguro, tumanon aron sa pagbalaan. Ang Biblia nagabaton sa kahayag sa pagiya kanimo, pagkaon sa pagsustento kanimo, ug kalipay aron sa paglipay kanimo. Nagahangyo ang ICI nga kini basahon nga hinayhinay, makanunayon ug sa pagkamainampoon. Ang Biblia mina sa bahandi, usa ka paraiso sa himaya ug suba sa kalipay alang sa espiritu sa tawo. Gihatag kini alang sa kinabuhi, ablihan alang sa paghukom sa tawo ug makaimpluwensya kini sa iyang hunahuna

sa kahangturan. Tungod niining mga katarungan, ug may daghan pa, nagatuo ang ICI nga ang pagtuon sa Biblia nagalangkob sa kinatas-an nga katungdanan ngadto sa tanang katawhan. Nagahatag ang Biblia ug dakung ganti niadtong nagapamalandong sa iyang pahimangno ug mga saad.

Sulod sa daghang mga siglo nagatindog ang Biblia ingon nga pinadayag sa Dios ug sa Iyang kabubut-on sa tawo. Usa kini ka walay kamatayan nga bashon, dili mapalit nga kabilin alang sa tanang katawhan. Ang Biblia mao gihapon ang kinadak-ang pagpadasig alang sa pagkinabuhing balaan ug nagatudlo sa dalan sa tawo ngadto sa langit.

Pinaagi sa pagpamalandong sa sulod niining halaang basahon, daghang mga kaliwatan sa tawong nakadiskobre ug bag-ong kahayag ug mga halalum nga kamatuoran.

Ang panahon wala makapalaya sa pagkinahanglan sa mga tawo niining Basahon sa mga basahon. Mga panon sa mga dili magtutuo miabut ug nangawala, apan walay usa kanila ang nakapakuha sa mga saad sa Dios nga nahisulat sa mga pahina sa Balaang Kasulatan.

Salamat sa Dios, pinaagi sa ICI, ang kalibutan dilinamagpuyo nga walay kahibalo mahitungod sa Biblia. Sa milabay nga panahon, walay basahon nga kanunay nga giatake, ginpanamastamanan, gisunog ug gidili, apan karon, ang Biblia mao ang himalitan nga Basahon sa tibuok kalibutan ug nagkataas ang nagkinahanglan sa maong basahon tuigtug.

Wala gayud mabathin ang gahum sa Biblia sa pag-usab sa kinabuhi sa minilyong katawhan. Pinaagi sa pagbasa ug pagtuo sa iyang mga mensahi, mga tawong biktima sa alkohol ug sa makadaot nga tambal nangaayo, mga bigaon nangaputli, ug mga kriminal nangausab. Nagapadayon ang mensahi sa Biblia nga maoy tuburan sa kalipay ug kusog sa mga kalakin-an ug mga kababayen-an, mga hamtong ug mga batan-on sa tibuok nga kalibutan.

Ang mensahi sa Biblia nahisama sa gahum ug kamatuod sa Makagagahum nga nagasulti sa madungog nga tingog ngadto sa tawo. Ang pagsalikway sa paghiusa sa pagtuo ug sa iyang walay

katapusang mensahi, mao lamang ang makapangitngit sa iyang pagkadinisig o makapawala sa iyang gahum sa pag-usab sa kinabuhi.

Pinaagi sa Pulong sa Dios ang mga katawhan nakakaplag ug kalinaw diha sa ilang kasingkasing, kasegurohan sa pagpasaylo, ug gahum sa kadaugan batok sa sala. Kini usa ka masilaw nga paglaum sa walay katapusang himaya. 1 Juan 5:9-13.

Mahitungod sa nag-anam ug tubo nga interes sa tanang paagi sa pagtuon sa Biblia dinhi sa Pilipinas, nagpangandoy ang ICI sa pagtabang sa dugang pang pagpasabut sa tanan sa Biblia. Tungod niining katuyoan, malipayon ang ICI sa pagbutang diha sa imong kabubut-on ang nagkalainlaing kurso sa Biblia alang sa pagtuon. Kining mga kursoha gihimo sa paagi nga ikaw madala ngadto sa labaw pang kaduol ug personal nga pakigdugtong uban sa Dios ug pagkinabuhing kristohanon alang Kaniya dinhi sa kalibutan sa panahon nga ingon niini.

Pinaagi sa ICI mahibaloan nimo nga ang Biblia tinuga sa Dios tungod kay ang among mga leksyon magatudlo kanimo.

Pagsulat alang sa Ikaduhang Bahin alang sa "Ang Imong Biblia" karon? Kon wala ka pay kopya sa Balaang Kasulatan, nganong dili ka man mopalit ug usa pinaagi sa ICI? Kon ikaw interesado, pagsulat ug dugang pang kasayuran mahitungod sa mga BIBLIA sa iningles o bisan unsang pinulongan sa Pilipinas. Sulati lamang ang:

**INTERNATIONAL CORRESPONDENCE  
INSTITUTE**

**PHILIPPINE NATIONAL OFFICE**  
P.O. Box 1084, Manila

“ANG IMONG BIBLIA”

REKORD SA ESTUDYANTE ug EKSAMIN



INTERNATIONAL CORRESPONDENCE INSTITUTE  
PHILIPPINE NATIONAL OFFICE - P. O. BOX 1084 - MANILA

Petsa \_\_\_\_\_

Klaroha Pagsulat:

Imong Ngalan \_\_\_\_\_

Pinuy-anan \_\_\_\_\_

Ngalan sa Simbahan \_\_\_\_\_

Dapit o address \_\_\_\_\_

Ngalan sa Pastor \_\_\_\_\_

Mahinungdanon: Tubaga kining Rekord sa Estudyante ug Eksamin ug ipadala kini ngadto sa ICI Philippine National Office, P. O. Box 1084 — Manila. Hinumdumi paglakip sa imong donasyon ngadto sa ICI ug ang ikaduhang bahin sa libro niining kursoha ipadala kanimo.

**Leksyon 1 — Unsaon Pagtuon Niining Libroha**

Gitubag ko ang mga pangutana ug nakasabut ako niini.

Perma .....

**Leksyon 2 — Mga Kaayohan sa Pagtuon sa Biblia**

Nganli ang walo ka mga kaayohan sa matitud-anon nga pagtuon sa Biblia:

1. ....

2. ....

3. ....

4. ....

5. ....
6. ....
7. ....
8. ....

### Leksyon 3 — Ang Basahon nga Gihatag sa Dios Kanato

Natubag ko ang tanang pangutana ug gibuhat ko ang mga buluhaton.

Perma .....

### Leksyon 4 — Unsaon Pagkaplag sa Imong Buot Pangitaon Diha sa Bilia

Natubag ko ang tanang pangutana ug gibuhat ko ang mga buluhaton.

Perma .....

#### HINUNGDANON:

Palihug kuhaa kining pahina ug ipadala dayon ngadto sa:

**INTERNATIONAL CORRESPONDENCE INSTITUTE  
PHILIPPINE NATIONAL OFFICE  
P. O. BOX 1084 — MANILA**

# ANG IMONG BIBLIA

BAHIN 2  
MGA LEKSYON 5 - 7

## MGA SULOD

LEKSYON		PAHINA
5	ANG MGA BASAHON SA DAANG PAKIGSAAD	46
6	ANG MGA BASAHON SA BAG-ONG PAKIGSAAD	72
7	GIUNSA NATO PAGKA- HIBALO NGA ANG BIBLIA PULONG SA DIOS	91